

主 羅家倫
編 中華民國史料叢編

雲南

中國國民黨
中央委員會
黨史史料編纂委員會印行

YUEN NAN JOURNAL.

雲南

第
一
號

雲南雜誌第一號目次

●圖畫

雲南疆域全圖

發刊紀念

●發刊詞

●論地方自治之精神……………墨之魂

●論滇省宜倣照南北洋舉

辦徵兵……………憂患餘子

●體育……………伯林

●南阿戰記……………記者

●愛滇篇……………迺南少年生

●論恩物……………易水譯

●論冷水浴……………易水譯

●滇緬界事述畧……………志復

●殖民之種類……………記者

●創立女界自立會之規則……………張雄西女史

●滇南詩話……………迺南少年生

●詩選……………孫濟如女史

●世界異聞……………記者

●時評……………憂患餘子

●遊滇述畧(來稿)……………蟄生

●中外大事表 丙午七月……………社員

社 告

凡願爲本社代派所者請直接通信于本社或本社支部

本社以本省路途寫遠交通不便一切購書講報諸多不便故特設支部于雲南省城除發行本報外並照原價代購中外各種新書及日報雜誌(代購規則及書報目錄另見別紙)凡欲購者請移玉至本支部或各府代派所均可

本社爲啓發文明故特于本省支部附設閱書室及閱報室(自本年十二月開館)爲本省圖書館之基礎凡各大熱心家有願捐報捐書及捐資者祈賜交本社或本社支部

本社爲疏通聲氣故特于本支部內附設通信部凡欲投函于本同鄉會及投稿投函于本社者祈賜交本支部一切郵費概由本社擔任但私函不在此例

本社名譽贊成員

本省留學生監督錢君鴻達

捐助日幣壹佰元

遊歷員呂君鑄

捐助日幣貳拾元

滇中官紳父老

捐助日幣伍佰伍拾元

此欸由陳君肅菴滙東未將芳名賜知本社以故本社無從知悉
俟函問詳確再爲備登以誌盛意



影 道 念 紀 刊 登

雲南

(第一號)

雲南雜誌發刊詞

嗚呼雲南雜誌！雲南雜誌！是雲南前此未有之創舉而今日之救亡策也。是故鄉父老引領翹足朝夕期待者也。是留東同人枯腦焦心日夜經營者也。而今乃燦然燦然如朝日之離蒼海。涓涓汨汨如長江之下岷山。以出現於我雲南雜誌界。凡爲雲南謀者。喜當何如。凡我父老。凡我同人。其愉快又當何如。雖然是編也。非僅商榷學術啓發智識之作。實爲同人愛鄉血淚之代表。非激越過情之談。實不偏不頗。具有正當不易之宗旨。非草率無責任之文。實苦心孤詣。抱有絕大之希望者也。據雲嶺之餘脈。控金沙之長流。昆明六詔之遺墟。黔蜀兩粵之保障。形勢突兀。虎踞龍驤者。夫非禹域神州西南一隅之所謂雲南者耶。夫非我祖我宗。肇路襟縷。斬除狃榛。以開闢經營之雲南也。耶。言風景。則蒼山昆海。天然之優美。素著。語氣候。則寒

暑雨暘。小民之咨怨弗聞。山林原野。半是豐饒之區。玉石藥材。久貢中原之譽。且鑛脈蜿蜒。鑛山崔巍。五金石炭。遍地皆是。而銅鐵之富。尤爲世所驚羨。天何獨厚滇人。而使得此大好江山。極樂世界。以生以長。以歌以游。以養其父母。以畜其妻子。以託祖宗之墳墓。以營個人之產業耶。而吾人與雲南之關係。遂若地球之有太陽。肉體之有靈魂。有之則以存。以生。失之則以滅。以死。以永劫而無復。乃孰知烏拉山西地。中海北之碧眼黃髮兒。携其友朋。率其醜類。挾其遠洋殖民之政策。奮其膨脹勢力之野心。雷驚電掣。海沸山崩。竟隨十九世紀之歐風美雨。以東來。鷹瞵虎視。各爭要區。而此大好江山。極樂世界。遂不幸成福蘭克薩克孫兩族相爭之焦點。一試其虎狼毒威。而倒雲南之屏藩。再逞其鬼蜮狡計。而食雲南之邊疆。薩克孫得志長江流域。福蘭克乃更肆意吞噬。強索鐵路。雲南之腹心。潰攘奪。礦權。雲南之命脈。絕教語。言以收人心。屯重兵以脅官吏。勢力範圍之圖。只見法國之雲南。不見中國之雲南也。環球萬國之心。只知法國之雲南。不知中國之雲南也。於是我祖宗所開闢我同胞所生聚生死攸關。若太陽若靈魂之雲南。遂氣息奄奄。微顏色黯淡。僅殘其名曰雲。

南人之雲南而已。今且有著書勸法政府。並其名而速取之者。嗚呼莽莽大地已化紅羊劫灰。哀哀同胞行作白人奴隸。彼蒼者天。誰實爲之。而使我至於此極也。抑吾聞之物必先腐。而後虫生。人必自侮。而後人侮。雲南之將爲他人之雲南。非他人能使爲已有也。惟我不能自有其所有。斯他人得乘虛攻敵。以有我所有。則謂之由我使之也。可則謂之由我贈之也。可胡爲乎使之贈之。吾將興師罪政府。視邊疆如秦越。政府何能辭其責。吾將鳴鼓攻官吏。在其位而廢其職。官吏尤難逃其罪。雖然里有富人。託家於所親。所親弗事事。家以日落。富人方且攸焉忽焉。坐觀成敗。既不起而自理。且驕奢淫佚。從而爲毀瓦畫墁之舉。則家之敗也。又豈盡其所親者之罪哉。國家學曰。積人成國。人民之能否。國之榮枯系焉。書曰。民爲邦本。本固邦寧。然則捧雲南以與他人者。罪不在政府。不在官吏。實在我棲息於雲南之雲南人也。實在我棲息於雲南之雲南人也。雲南人之罪。誠難辭矣。而其情則未始不可以曲恕。何則。物競天擇。優勝劣敗。適者爲優。不適爲劣。天演之公例也。以我與西人較。我主彼客。其位異。我守彼攻。其勢殊。雖無必勝之方。却有不敗之理。而竟不然者。則中西

人種之性質之行爲判然若雲泥彼以適於今日而占優勝我以不適於今日而歸劣敗故耳。是使吾人負茲重戾者。又吾人之性質之行爲階之厲也。

居今日而曰救亡。而曰償罪。其唯改良思想之一法而已。夫根於遺傳成於習慣。種種思想相組織相集合。以爲其內容者。是人之性質也。受中心之命令。以發現於外者。是人之行爲也。而思想者則發命令之本部。成性質之要素。握兩者之樞要者也。性質之於思想。若化合物之於元素。氣流固體。因元素之種量。而可變行爲之於思想。若影之於形。大小方圓隨形之所成。而互異。然則吾人之以性質行爲不適於今日而歸劣敗者。豈不可改良思想。求其適合今日。因以變其性質行爲而獲優勝乎。且吾常聞今之愛國之士。日奔走國中。陳其救亡之策。曰改良政治。改良法律。興學校。興工廠。興農商。興海陸軍。造鐵路。開鑛山。皇皇切切。以爲當務之急。莫急於是。國舍是。且將陵夷而莫救。是固然矣。雖然。吾以爲思想者萬事之根本也。於此而不加之意。以剔垢去污。捨短從長。痛行改革焉。則政治也。法律也。學校等等也。改之弗能良。興之弗可成也。何則。徒法不足自行。成功根於起信。使以舊思想行新事業。事與

志違。心冷力怠。欲其不敷衍了事。是猶望貪者飲廉泉。責酷吏行寬法。吾知其必無濟。衆擎易舉。衆志成城。合力協謀。成事要訣。使於舊思想充滿之社會中。而創一歐西慣見之舉。是猶與夏虫語冰。告螻蛄以春秋。吾知一人倡之。百千萬人阻之。且不從而破壞之不止。謂余不信。則今日之新政。倡而弗行。行而弗效者。又何說之辭。故曰。居今日而策救亡。亦唯改良思想之一法而已。

心理學之言曰。思想者。知之極則。觀念供其材料。經驗促其發達。根本則出於知覺。感覺而所謂知覺。感覺者。語其來源。則又不在內而在外。與外物相接。觸受外物之刺激。而始生者也。夫人生天地間。不能離羣獨處。自有生以至老死耳。之所聞目之所見。身體之所接觸。無非其羣之人。之事。之習慣。之議論。以爲其刺激。物刺激物。若何則知覺。感覺隨之。思想亦自不能超羣而獨異。

否則必其嘗受他羣之刺激而然

蓋羣者實有一種

無形勢力。冥冥中管領思想。不使越雷池一步也。然則思想不可變乎。曰。烏有是。思想之爲物。固隨刺激物以爲變者也。吾人不欲變則已。若其欲之。則現世優勝民族之思想。足爲吾人刺激物者。且萬萬有心人所當精心研究。攝其精華。抽其神髓。以

輸入傳佈之。持以定力。竭其熱誠。人非木石。孰能無動。苟得一二。人焉。蒙其影響。受其感化。則由我及人。由此及彼。心心相印。脈脈咸通。若水之動。波紋若聲之傳。大氣思想不變。可期日待也。輸入思想。厥道有二。曰學校。曰新聞雜誌。學校王道也。其功緩。且一時難普及。中年以上。又弗暇從事。若新聞。若雜誌。則以文明高尚之思。環球治亂之故。日日譟聒。其耳刺激。其心使閱者。如親承懇切之教。心領神會。如足履文明之土。耳目一新。薰習既久。潛移默化。其功之偉。真莫與京。乃反觀故里。學校既寥。寥有限。新聞雜誌。且並萌芽而弗之見。噫。以滇事之危急。改良思想之切要。而其設備。乃若此。此同人所爲。憂心如焚。灑淚成血。不得不努其棉薄之力。効其欸欸之誠。以出此編也。

本編宗旨。改良思想。思想之要。厥有數端。

一 國家思想

積人成國。國人一體。強弱存亡。責任在己。人果無國。人何以存。人竟忘國。國乃凋殘。

一團結思想

物競酷烈勢強者勝亂石散沙何以能競同心同德羣策羣力萬死不解以抗強敵

二公益思想

與羣棲息相維相系一舉一動宜爲羣計羣己之間輕重有在寧爲己損勿爲羣害

三進取思想

世界進步一瀉千里不進則退不奮不起保守遲疑淪亡難免絕影而馳庶幾不遠

四冒險思想

蓋世事功成敗難億失敗是憂何事能濟吾志吾行艱苦弗顧爲魯瑣孫爲哥崙布

五尚武思想

執戈從戎。男子義務爲國爲家。無海無陸。裹屍馬革。葬身魚腹。光榮無限。願望乃足。

七實業思想

商工農礦。立國之基。腐心仕宦。棄此弗爲。五金徧地。物產豐腴。善取利用。富甲四夷。

八地方自治思想

利害迫切。惟桑與梓。躬親部署。心誠政舉。養我勢力。振我精神。立自治制。比美強隣。

九男女平等思想

茫茫造化。兩儀同生。道喪俗敝。女卑男尊。卑而不競。乃愚乃弱。民廢其半。國何以國。

上所臚陳。其大較而已。然歐美文明之大啓。國勢之勃興。繹厥根源。何能外此。同人等抱此宗旨。誓竭誠効死。以輸入之。傳佈之。提倡之。鼓吹之。或正論。或旁擊。或演白。

話謀普及。或錄事蹟作實證。東鱗西爪。盡足鉤稽。斷簡零篇。亦寓深意。激來太平洋。上之潮洗淨。陳陳腦髓。樹起崑崙山頂之旆。招歸渺渺國魂。他日者民德日新。百業蔚起。內足以鞏國基。外足以禦強敵。雲南復爲雲南人之雲南。斯即雲南雜誌收効成功之日。而今日所頂禮膜拜以禱祝以希望者也。



